

Atvinnuvega- og nýsköpunarráðuneytið

Skúlagötu 4

101 Reykjavík

Reykjavík, 9. október 2018

### **Efni: Athugasemdir vegna frumvarps til laga um endurskoðendur og endurskoðendur**

Í drögum til frumvarps til laga um endurskoðendur og endurskoðun er í 7. grein rætt um starfsábyrgðartryggingu endurskoðenda. Er þessi grein óbreytt frá 6. grein fyrri laga, að því leyti að endurskoðanda er skylt að hafa í gildi starfsábyrgðartryggingu hjá váttryggingafélagi. Fellur þessi tryggingaskylda eingöngu niður ef endurskoðandi leggur inn löggildingu sína.

Af því leiðir að allir endurskoðendur, einnig þeir sem starfa hjá opinberri stofnun eða einkaaðila, eru skyldugir til að vera með starfsábyrgðartryggingu. Slíkar kvaðir eru ekki að finna hjá öðrum svipuðum starfstéttum, til að mynda lögmönnum.

Skv. 12. grein laga um lögmenn nr. 77/1998 þurfa lögmenn sem starfa hjá opinberri stofnun eða einkaaðila ekki að vera með gilda starfsábyrgðartryggingu að eftirfarandi skilyrðum uppfylltum:

1. Vinnuveitandi samþykkir og staðfestir beiðni um undanþágu og tekur þar með húsbóndaábyrgð á fjárvörslu og þeim stöfrum lögmanns sem starfsábyrgðartryggin nærði annars til
2. Lögmaður lætur fylgja undanþágubeiðninni yfirlýsingu sína um að hann muni einungis nýta réttindin innan þeirra marka er þar greinir
3. Vinnuveitanda og lögmanni er skylt að tilkynna Lögmannafélagi Íslands ef vinnusambandi er slitið.

Nú er þónokkur hluti þeirra sem eru með réttindi sem löggiltir endurskoðendur, starfandi annarsstaðar en á endurskoðunarskrifstofum og ekki í því hlutverki að bera þá ábyrgð að skrifa uppá reikningsskil. Samt sem áður er þeim skylt skv. eldri lögum og þessum drögum til frumvarps að greiða starfsábyrgðartryggingu sem er þá einungis til að viðhalda réttindum. Því má spyrja sig hvort það sé eðlileg kvöð til að viðhalda löggildingunni þegar ekki mun reyna á þessa starfsábyrgð hjá þeim sem starfa hjá opinberri stofnun eða einkaaðila. Því óska ég eftir því að þessi athugasemd verði tekin til skoðunar og sambærilegu ákvæði og eru hjá lögmönnum verði bætt við lög um endurskoðendur.

Virðingarfyllt,

Kristín H. Halldórsdóttir

Löggiltur endurskoðandi